

Alkitab Buat Bocah
Nampilin

Yesus
Ngebrentiin
Angin Kenceng



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Ruth Klassen


Nyeng terjemahin: Matheus Nalih Ungin

Dibikin buat: Bible for Children
www.M1914.org

©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.






Yesus ama murid-muridNya ada di dalem perahu pas angin kenceng muncul. Angin kenceng ini ngamuk di Danau Galilea dan bikin goncangan, Angin kenceng kaya gini bisa bikin perahu cilaka dan tenggelem.



Anin kenceng itu nakutin para murid. Ombak nutupin perahu itu, dan menuhin perahu ama aer. Tapim kayanya Yesus lagi tidur pules. Yesus tidur pas angin kenceng.




Murid-muridNya ngebangunin Yesus, mereka mewek, "Guru, Guru, kita musnah."



"Ngapah kamu takut, kamu nyeng kurang percaya?"
Yesus nanya sama murid-muridNya. Lantas Yesus
memaki angin kenceng supaya brenti...dan Yesus
suruh ombak supaya tenang dan tenang...



ANGIN TENANG...DANAU JUGA JADI TEDUH
DAN TENANG. Beberapa waktu kemudian, Yesus
sangat sibuk. Lebih dari 5000 orang mengikuti Dia
ke suatu tempat sunyi.





Seterusnya, Yesus sibuk sangat. Lebih dari lima ribu orang ngikutin Dia sampe ke tempat nyeng sepi. Pake kuasa Tuhan, Yesus ngasih makan orang banyak itu pake makan siang bocah laki-laki kecil.

Sekarang udah malem, Yesus nyuruh orang-orang itu pulang.



Murid-murid juga kudu pegih. Yesus nyuruh mereka naek ke dalem perahu dan pegih ngeduluin Dia ke sebrang Danau Galilea.






Abis Dia nyuruh
semua orang
pegih, Yesus naek
ke atas bukit mao
sembahyang
dewekan. Sampe
malem, Dia
dewekan di situ.





Di danau, murid-murid
kejebak di dalem angin
kenceng. Angin kenceng
ngebrentiin mereka buat
bisa nyebrangin
danau, meski
mereka udah
ngedayung
bejem-jem.






Di satu tempat antara jem tiga dan jem enem pagi, di tengah danau nyeng lagi diombang-ambing angin, murid-murid ngeliat sesuatu nyeng bikin mereka takut. "Itu demit", mereka tereak. Tapi itu Yesus, Tuhan ama Guru mereka, dateng ngedeketin mereka, **JALAN DI ATAS AER.**



"Tenang!" Yesus
manggil mereka, "Ini
Aku, jangan takut!"
Petrus nyahut, "Tuhan,
kalo itu Engkau, suruh
aku dateng kepadaMu
jalan di atas aer."
Yesus bilang, "Kemari."
Dengan berani Petrus
nyebur, turun dari
perahu dan jalan ke
arah Yesus.






Tapi pas dia liat angin muter-muter, Petrus ketakutan, dan mulain kelelep. Dia tereak, "Tuhan tulungin aku!"



Cepet-cepet Yesus nyodorin tanganNya dan megang Petrus. "Hei, orang nyeng kurang percaya, ngapah kamu bimbang?" Dia tanya. Pas Petrus sama Tuhan Yesus masuk ke dalem perahu, angin langsung brenti.



Orang-orang nyeng
ada di dalem perahu pada
nyembah Dia, ngomongnya
"Bener-bener Engkau
Anak Allah."



Yesus Ngebrentiin Angin Kenceng


Sebuah cerita dari perkataannya Tuhan, Alkitab

Ditemuin di

Matius 8 ama 14; Markus 4;
Lukas 8

"Palang pintu Firman Engkau ngasih terang."
Mazmur 119:130





48

60



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

